

Restoracion di misa Santa Filomena: Un milagro

ORANJESTAD(AAN)--

Den menos di un aña Misa di Paradera a worde restora. Su restoracion tabata un milager grandi y increible, un milager di cooperacion, generosidad y amor.

Dia cu trabau a cuminsa, dia 3 di Juli 1989, e fondo total di Paroquia fin di Juni 1989 tabata fls.173.180,50, di cual solamente fls.76.340,13 tabata e fondo pa drecha Misa. E resto tabata encera otro aspectonan di Paroquia: fondo di santana, ayudo social, mantencion di Misa y Pastorie, etc.) Sin embargo, aunke e fondo tabata masha insuficiente, e situacion deplorable di Misa a obliga Pastoor Peralta y miembronan di e Comision Drecha Misa pa

cuminsa cu e trabau. Cu e misa completamente restora, e gasto total a yega na e suma grandi di mas o menos 500 Mil Florin, un suma masha dificil pa recauda considerando e situacion economico di Paradera.

Pero cu Dios su inspiracion, paroquianonan di Paradera, bau guia di Pastoor y Comision Drecha Misa, a conduci un serie di actividadnan pa recauda fondo: koffie avond, wandelmars, bakesale, benedimento di flanelnan, anochinan cultural, bolas crioyas, bingo, rifa di auto, etc.

Den tur e actividadnan aki e unidad y cooperacion di Paroquianonan tabata fantastico y admirable mescos cu nan

PASTOORNAN DI PARADERA

Christiaan A. Spekle	- 1 maart 1949 - 28 juni 1950
Leonardus F.J.M. van der Vaart	- 29 juni 1950 - 1 aug. 1952
Bertrandus L.E. Kranwinkel	- 1 aug. 1952 - 31 jan. 1963
Frederik P.J. Leeuwenberg	- 31 jan. 1963 - 1 feb. 1966
Bertrandus L.E. Kranwinkel	- 1 feb. 1966 - 14 juli 1975
Paulus D. Grove	- 14 juli 1975 - 15 nov. 1977
Anton L. Boks	- 15 nov. 1977 - 22 mei 1978
Rodrigo Zuluaga	- 22 mei 1978 - 22 aug. 1982
Pablo Betancourt	- 22 aug. 1982 - 21 nov. 1983
Karel Berlage	- 21 nov. 1983 - 19 feb. 1984
Nicolas O. Pasadilla	- 19 feb. 1984 - 6 maart 1988
Antonio R. Peralta	- 6 maart 1988

Bendicion Solem di Misa di Paradera

ORANJESTAD(AAN)--

Paroquia di Paradera ta invita henter Pueblo di Aruba pa asisti na e bendicion solem di misa y tambe na e Santo Sacrificio di Misa pa gradicimento, Diavierna awor dia 29 di Juni pa 7 or di anochi.

Obispo Mgr. Ellis ta bendiciona e mesa y hunto cu Pastoornan di Aruba y pastoornan bishitante di Curacao, e ta celebra Eucaristia pa 8 or di anochi. Dia 26, 27 y 28 di Juni pa 7 or di anochi tin Tridium na honor di Santa Filomena, Patrona di Paroquia.

E programa di dia 29 di Juni ta:

7 or p.m. Procesion rond di cero di Paradera,

7.45 or: Bendicion di Misa

8.00 p.m.: Santo Sacrificio di Misa

E procesion ta sali for di Misa, bay pa Noord y sigui e caminda rond di Cero di Paradera y bin drecha Misa for di caminda pa zuid. Esnan cu ta bini cu auto, ta worde pidi pa parkeer nan auto ariba e parkeerplaats nobo di asfalt y laga e entrada di Misa y tambe e lugar rond di edificio habri pa e procesion y bendicion.

E muchanan di Paroquia, cu a ricibi nan Promer Santa Comunien e aña aki ta uni den procesion y ta worde pidi pa trece flor y santa Rosario. Nan ta ofrese e flor na Santa Filomena despues di procesion.

Durante procesion Pueblo ta canta canticanan di alabanza y reza Santo Rosario. Un banda musical ta toca pa anima y aumenta e solemnidad di e procesion.

Despues di e Procesion ta sigui e bendicion di misa y e celebracion di Eucaristia. E koor grandi Santa Filomena y e koor di muchanan ta canta. Durante e celebracion di Eucaristia aki, Obispo ta instala ministranon extraordinario di Eucaristia di Paroquia. Tambe e ta bendiciona e piedra conmemorativo di restoracion di Misa. E colect di anochi lo bira fondo inicial di restoracion di Pastorie.

Misa Paradera su restoracion ta testigo bunita di fe y amor di henter Pueblo di Aruba, fruta di trabau y generosidad di tur esnan cu a yude dreche. Pesey Pastoor Tony Peralta y miembronan Comision Drecha Misa ta invita uno y tur y ta spera cu henter Pueblo di Aruba lo bin asisti na e acto solemne di gradicimento aki.

oracion pa pidi Dios Su yudanza tabata mas frecuente y ardiente.

Poco poco trabau a sigui mientras cu fondo a acumula: for di Bisdom y Mgr. Ellis, for di familianan den Paroquia cu a abona pa un suma fiho tur luna, for di practicamente tur e familianan di Paroquia, for di familianan, clubnan y empresanan di Aruba y Curacao, for di agencianan generoso na Hulanda, Alemania y te hasta for di Vaticano mes. Y poco poco e deseo di Paradera pa duna Dios un cas bunita digno di Su grandeza a bira realidad.

Fin di 1989 e trabau pafor a caba. Dia 17 di Januari 1990 e trabau paden a cuminsa, incluyendo e cambio completo di dak, plafond, vloer, instalacion di electricidad y sonido, cambio di bentana y portanan y extension di Presbiterio. Un acontecimento increible mes: 61 dia di trabau. Cu alegria y gratitud Pastoor y

Paroquianonan a drecha e Misa casi completamente restora dia 7 di April pa celebra Semana Santo.

Dia 29 di Juni, Obispo Mgr. Ellis ta bendiciona e Misa restora. Henter Paroquia ta di fiesta y ta uni cu Obispo Mgr. Ellis y pastoornan di Aruba y Curacao den Santo Sacrificio

di Misa pa gradici Dios pa e milager aki di restoracion di Misa Santa Filomena, milager

di unidad y cooperacion di Paroquianonan, milager di generosidad di tur esnan cu a yuda drecha e misa, milager di amor di Dios y pueblo di Aruba.


TORMOS BRAKE PARTS

Brake shoe y brake pads pa tur marca di auto manera: Toyota Nissan, Mitsubishi, Ford, V.W., G.M. Daihatsu y hopi mas, calidad y prijs ta sin egal. Tormos Brake Parts, Windstraat 22
TEL 26075

TELEFONNAN DI DIARIO
35026-22207-26747

**Pa limpia, boender,
skeiru, schuur...**

ta serca nos bo mester ta pasobra nos tin tur machin i materialnan manera: scheif pa schuur, panja i papel di glas, skeiru di stal, skeiru ku ta drai, panja pa boender, pasta special pa limpia man. Tur esakinan ta parti di nos surtido di mas ku 30.000 diferente articulonan. Con cu bo biré, si bo ke limpié bon, ta serca nos bo mester ta.



ARUBA FASTENERS N.V.
Sabana Blanco 58, O'stad - Tel: 28449